

**গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা**

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়'র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার

সংখ্যা : ২৩৮/২০১৭-১৮

ঢাকা, মঙ্গলবার, ৫ জুন ২০১৮, ২২ জ্যৈষ্ঠ ১৪২৫

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে :

- ১। দেশে গণতন্ত্র শক্তির ওপর প্রতিষ্ঠিত : ইফতার মাহফিলে প্রধানমন্ত্রী
- ২। ট্যারিফ কমিশন সংশোধনী পরীক্ষায় কমিটি গঠন : মন্ত্রিসভা বৈঠকের সিদ্ধান্ত
- ৩। আজ বাজেট অধিবেশন শুরু
- ৪। বাজেটের পর জিনিসপত্রের দাম বাড়বে না : অর্থমন্ত্রী
- ৫। চাল আমদানিতে ২৮ শতাংশ শুল্কারোপের সিদ্ধান্ত পুনর্বাহল
- ৬। স্বাস্থ্যকেন্দ্র মায়েদের সেবা নিশ্চিতের আহ্বান স্বাস্থ্যমন্ত্রীর
- ৭। ঈদে ঘরমুখী মানুষের যাত্রা নিশ্চিতে বিআরটিসি'র ৯০৪টি বাস প্রস্তুত
ঈদ প্রস্তুতি সভায় সড়কমন্ত্রী
- ৮। বিআরটিসি বাসের অগ্রিম টিকিট বিক্রি আজ থেকে শুরু
- ৯। বিশ্ব পরিবেশ দিবস আজ

চলমান পাতা-

১। দেশে গণতন্ত্র শক্তি ভিত্তির ওপর প্রতিষ্ঠিত : ইফতার মাহফিলে প্রধানমন্ত্রী

প্রধানমন্ত্রী শেখ হাসিনা বলেছেন, দেশে গণতন্ত্র শক্তি ভিত্তির ওপর প্রতিষ্ঠিত এবং অর্থনীতিও যথেষ্ট শক্তিশালী। প্রধানমন্ত্রী গতকাল (৪ জুন সোমবার) তাঁর সরকারি বাসভবন গণভবনে বিভিন্ন রাজনৈতিক দলের নেতাদের সম্মানে আয়োজিত ইফতার মাহফিলে সংক্ষিপ্ত বক্তব্যে এ কথা বলেন। প্রধানমন্ত্রী বলেন, আমরা ইতোমধ্যেই দারিদ্র্য উল্লেখযোগ্য হারে হ্রাস করতে সক্ষম হয়েছি। বাংলাদেশ ইতোমধ্যে স্বল্পেন্তরিত দেশ থেকে উন্নয়নশীল দেশের কাতারে উঠে এসেছে। সাগরের তলদেশ থেকে মহাকাশে বিচরণ করার যোগ্যতা দেশ অর্জন করেছে। এ অগ্রযাত্রা যেন অব্যাহত থাকে, তিনি সে প্রত্যাশা ব্যক্ত করেন। প্রধানমন্ত্রী ইফতারের আগে অতিথিদের সঙ্গে কুশল বিনিময় করেন। তিনি অতিথিদের মাহে রমজান এবং আসন্ন ঈদুল ফিতরের শুভেচ্ছা জানান। সূত্র-সংবাদ (শেষ পৃ.,ক.৫), ইন্ডিফোক (পৃ.১,ক.৮), ফিনানশিয়াল এক্সপ্রেস (পৃ.২,ক.১), ইভিপেনডেন্ট (পৃ.১,ক.৮)।

২। ট্যারিফ কমিশন সংশোধনী পরীক্ষায় কমিটি গঠন : মন্ত্রিসভা বৈঠকের সিদ্ধান্ত

বাংলাদেশ ট্যারিফ কমিশন (সংশোধন) আইন, ২০১৮ এর খসড়া পরীক্ষা-নিরীক্ষার জন্য একটি কমিটি গঠন করেছে মন্ত্রিসভা। প্রধানমন্ত্রীর কার্যালয়ের মুখ্যসচিবকে আহবায়ক করে ছয় সদস্যের এ কমিটি গঠন করা হয়। প্রধানমন্ত্রী শেখ হাসিনার সভাপতিত্বে গতকাল (৪ জুন সোমবার) তাঁর কার্যালয়ে মন্ত্রিসভার বৈঠকে বাংলাদেশ ট্যারিফ কমিশন (সংশোধন) আইন, ২০১৮ উপ্থাপন করলে এ কমিটি গঠন করা হয়। এছাড়াও বৈঠকে পররাষ্ট্রমন্ত্রীর জাপান সফর সম্পর্কে মন্ত্রিসভাকে অবহিত করা হয়। সূত্র-ইনকিলাব (পৃ.২,ক.৭), আমাদের অর্থনীতি (শেষ পৃ.,ক.৮), বাংলাদেশ টুডে (শেষ পৃ.,ক.২), অবজারভার (পৃ.১,ক.৮)।

৩। আজ বাজেট অধিবেশন শুরু

জাতীয় সংসদের বাজেট অধিবেশন আজ (৫ জুন মঙ্গলবার) শুরু হচ্ছে। চলমান সংসদের ২১তম এ অধিবেশন বেলা ১১টায় শুরু হবে। স্পিকার ড. শিরীন শারমিন চৌধুরী এতে সভাপতিত্ব করবেন। আগামী ৭ জুন বৃহস্পতিবার ২০১৮-১৯ অর্থবছরের বাজেট পেশ করবেন অর্থমন্ত্রী আবুল মাল আবদুল মুহিত। সূত্র-যুগান্তর (পৃ.৩,ক.২), ইন্ডিফোক (পৃ.১৯,ক.৮), বাংলাদেশ টুডে (শেষ পৃ.,ক.৫), ইভিপেনডেন্ট (পৃ.১,ক.১)।

৪। বাজেটের পর জিনিসপত্রের দাম বাড়বে না : অর্থমন্ত্রী

বাজেট ঘোষণার পর এবার পণ্যমূল্য বাড়বে না বলে জানিয়েছেন অর্থমন্ত্রী আবুল মাল আবদুল মুহিত। তিনি বলেন, আগামী বাজেটে নতুন করে কোনো ধরনের কর আরোপ হচ্ছে না। বরং কোনো কোনো ক্ষেত্রে কর ছাড় ও প্রগোদনা পাওয়া যাবে। গতকাল (৪ জুন সোমবার) অর্থ মন্ত্রণালয়ের সভাকক্ষে সংবাদ সম্মেলনে তিনি এসব কথা বলেন। অর্থমন্ত্রী আরো বলেন, এবারের বাজেটে ভ্যাটকে নয় স্তর থেকে পাঁচ স্তরে নামিয়ে আনা হবে। সর্বোচ্চ হার হবে ১৫ শতাংশ। সূত্র-জনকর্ত্ত (পৃ.১,ক.২), সমকাল (পৃ.১,ক.২), নিউ নেশন (পৃ.১,ক.১), অবজারভার (পৃ.১,ক.৫)।

৫। চাল আমদানিতে ২৮ শতাংশ শুল্কারোপের সিদ্ধান্ত পুনর্বহাল

চাল আমদানিতে ২৮ শতাংশ শুল্কারোপের সিদ্ধান্ত হয়েছে বলে জানিয়েছেন বাণিজ্যমন্ত্রী তোফায়েল আহমেদ। গতকাল (৪ জুন সোমবার) সচিবালয়ে ইউরোপীয় ইউনিয়নের রাষ্ট্রদূত রেনসে তিরিংকের সঙ্গে মতবিনিময়শেষে সাংবাদিকদের এ তথ্য জানান তিনি। চাল আমদানি ও দামের বিষয়ে বাণিজ্যমন্ত্রী বলেন, চাল আমদানিতে ২৮ শতাংশ শুল্ক ছিল। এরপর বাজেট ছাড়াই ২ শতাংশে হ্রাস করা হয়েছিল। এবার শস্যের বাস্পার ফলন হয়েছে। এর পরিপ্রেক্ষিতে চালের আমদানি শুল্ক আগের পর্যায়ে নেওয়ার সিদ্ধান্ত নেওয়া হয়েছে। সূত্র-বণিক বার্তা (শেষ পৃ.,ক.৭), জনকর্ত্ত (পৃ.১,ক.৬), নিউ এজ বিজনেস পাতা (পৃ.১,ক.৩)।

৬। **স্বাস্থ্যকেন্দ্রে মায়েদের সেবা নিশ্চিতের আহ্বান স্বাস্থ্যমন্ত্রীর**

স্বাস্থ্যমন্ত্রী মোহাম্মদ নাসিম বলেছেন, কোনো মাকে যেন সেবা না পেয়ে স্বাস্থ্যকেন্দ্র থেকে ফিরে যেতে না হয়, সেদিকে নজর দিতে হবে। তিনি গতকাল (৪ জুন সোমবার) সোনারগাঁও হোটেলে ‘সরকারি খাতের স্বাস্থ্যকেন্দ্র শক্তিশালী করার মাধ্যমে প্রাতিষ্ঠানিক ডেলিভারি বৃদ্ধি করা’ শীর্ষক অভিজ্ঞতাবিনিময় অনুষ্ঠানে প্রধান অতিথির বক্তব্যে এ কথা বলেন। একই অনুষ্ঠানে স্বাস্থ্য প্রতিমন্ত্রী জাহিদ মালেক বলেন, এখনও ৫৫ শতাংশ প্রসব বাড়িতে হয়। শিশু ও মাতৃত্যহার কমাতে হলে আমাদের প্রাতিষ্ঠানিক প্রসব বাড়াতে হবে। প্রাতিষ্ঠানিক সুযোগ-সুবিধা বাড়াতে হবে এবং সেবার মান উন্নত করতে হবে। সূত্র-যুগান্তর (পৃ.৩,ক.৪), ইত্তেফাক (পৃ.২,ক.১), এশিয়ান এজ (পৃ.১২,ক.৬)।

৭। **ঈদে ঘরমুখী মানুষের যাত্রা নিশ্চিতে বিআরটিসি'র ৯০৪টি বাস প্রস্তুত : ঈদ প্রস্তুতিসভায় সড়কমন্ত্রী**

রোজা এবং আসন্ন ঈদে রাজধানী ঢাকাসহ সারাদেশের মানুষের ভোগান্তিরোধে রাস্তায় খোঁড়াখুঁড়ি ও অন্য উন্নয়নমূলক কাজ আগামী ২১ জুন পর্যন্ত বন্ধ রাখার নির্দেশ দিয়েছেন সড়ক পরিবহণ ও সেতুমন্ত্রী ওবায়দুল কাদের। তিনি বলেন, আসন্ন ঈদুল ফিতর উপলক্ষে ঘরমুখী মানুষের সেবা নিশ্চিত করতে বিআরটিসি'র ৯০৪টি বাস প্রস্তুত রয়েছে। গতকাল (৪ জুন সোমবার) মতিবিলে বিআরটিসি'র প্রধান কার্যালয়ে আসন্ন ঈদের প্রস্তুতি নিয়ে কর্মকর্তা ও ডিপো ম্যানেজারদের সঙ্গে বৈঠকশেষে তিনি এ কথা বলেন। মন্ত্রী আরো বলেন, আগামী ১৩ জুন থেকে ঈদের পূর্ব দিন পর্যন্ত চলবে ‘ঈদ স্পেশাল সার্ভিস’। সূত্র-তোরের কাগজ (পৃ.২,ক.৭), ইত্তেফাক (পৃ.২,ক.৮), ইভিপেনডেন্ট (পৃ.৩,ক.২), ফিনানশিয়াল এক্সপ্রেস (পৃ.৩,ক.৮)।

৮। **বিআরটিসি বাসের অগ্রিম টিকিট বিক্রি আজ থেকে শুরু**

রাষ্ট্রীয়ত পরিবহণ সার্ভিস সড়ক পরিবহণ করপোরেশন (বিআরটিসি) বাসের ঈদের অগ্রিম টিকিট বিক্রয় শুরু আজ থেকে। আজ (৫ জুন মঙ্গলবার) রাজধানীর মতিবিল, জোয়ারসাহারা, কল্যাণপুর, মোহাম্মদপুর, গাবতলী, মিরপুর, গাজীপুর, নারায়ণগঞ্জ, নরসিংড়ী বাস ডিপো ও ঢাকা ফুলবাড়িয়ার সিবিএস-২ হতে বিভিন্ন রুটের (ঢাকা হতে) আগাম টিকিট বিক্রয় করা হবে। সূত্র-সংবাদ (পৃ.১,ক.১), সমকাল (পৃ. ১৯, ক. ৫), ইভিপেনডেন্ট (পৃ.৩,ক.১), এশিয়ান এজ (পৃ.৩,ক.৫)।

৯। **বিশ্ব পরিবেশ দিবস আজ**

আজ পালিত হচ্ছে বিশ্ব পরিবেশ দিবস। এ বছর দিবসটির প্রতিপাদ্য ‘আসুন প্লাস্টিক দূষণ বন্ধ করি, প্লাস্টিক পুনঃব্যবহার করি, না পারলে বর্জন করি’। দিবসটি উপলক্ষে রাষ্ট্রপতি মোঃ আবদুল হামিদ ও প্রধানমন্ত্রী শেখ হাসিনা পৃথক বাণী দিয়েছেন। বাণীতে তাঁরা সুন্দর আগামীর জন্য পরিবেশ দূষণ প্রতিরোধে সবাইকে এগিয়ে আসার আহ্বান জানিয়েছেন। সূত্র- সমকাল (পৃ. ১৯, ক. ২), সংবাদ (পৃ.১,ক.৫), বাংলাদেশ টুডে (পৃ.১,ক.৫), এশিয়ান এজ (পৃ.৩,ক.৪)।

=8=

সম্পাদকীয়

- ক. **যায়বায়দিন :** ঈদ সামনে রেখে প্রবাসীরা দেশে বেশি টাকা পাঠানোয় মে মাসে কেন্দ্রীয় ব্যাংকের রিজার্ভে ১৪৮ কোটি ২৮ লাখ ডলারের রেমিট্যাঙ্স ঘোগ হয়েছে এক প্রতিবেদনে তা প্রকাশিত হওয়ায় রেমিট্যাঙ্সের এ ধারা অব্যাহত থাকবে বলে প্রত্যাশা ব্যক্ত ।
- খ. **যুগ্মত, ভোরের কাগজ, বণিক বার্তা :** বাংলাদেশ ব্যাংকের সর্বশেষ পরিসংখ্যানে প্রকাশিত হয়েছে গত তিন মাসের ব্যবধানে খেলাপি ঝণ বেড়েছে প্রায় ১৪ হাজার ২৮৬ কোটি টাকা উল্লেখ করে এ অবস্থা কাটিয়ে ওঠার জন্য ব্যাংকগুলোর ওপর তদারকি ও মনিটরিং বৃদ্ধির বিকল্প নেই বলে মতপ্রকাশ ।
- গ. **প্রথম আলো :** ঈদের ছুটিতে বাড়ি যাওয়া এবং ছুটিশেষে কর্মসূলে ফেরার সময় যাত্রীদের অতিরিক্ত বাসভাড়া গুলতে হয় উল্লেখ করে বাসভাড়া যাতে যৌক্তিক হারে বাড়ানো হয় সে ব্যাপারে দৃষ্টি দেওয়ার সুপারিশ ।
- ঘ. **সমকাল, ইনকিলাব :** বুড়িগঙ্গা নদী পলিব্যাগ, ময়লা-আবর্জনা ও বর্জের ভাগাড়ে পরিণত হয়েছে উল্লেখ করে পরিবেশ সুরক্ষায় পলিথিন ব্যাগের মূলোৎপাটনের ওপর গুরুত্বারোপ ।
- ঙ. **জনকর্ত্ত :** চলতি বছরের জেএসসি ও জেডিসি পরীক্ষা থেকে বিষয় ও নম্বর কমানোয় পরীক্ষার্থীদের ওপর চাপ কমবে উল্লেখ করে এর সাথে সাথে শিক্ষার মান বাড়ানোর উদ্যাগ নেওয়ার ওপর গুরুত্বারোপ ।
- চ. **ইভিপেনডেন্ট :** ঈদ উপলক্ষে স্পেশাল লঞ্চ সার্ভিস চালু করছে বিআইডিলিউটিসি উল্লেখ করে এ লঞ্চগুলো যাতে ক্রিটিমুক্ত ও নিরাপদ হয় সোনিকে নজর রাখার সুপারিশ ।
- ছ. **ডেইলি সান :** আসন্ন বাজেট জনবান্ধব হবে বলে প্রত্যাশা ব্যক্ত করে সম্পাদকীয় প্রকাশ ।

উপসম্পাদকীয়

মানবকর্ত্ত পত্রিকায় প্রকাশিত কলামে উল্লেখ করা হয়েছে, ঈদে ঘরমুখো মানুষ যেন কোনো হয়রানির শিকার না হয় সোনিকে প্রশাসনের সজাগ দৃষ্টি রাখতে হবে ।

নিবন্ধ ও ফিচার

যায়বায়দিন পত্রিকায় প্রকাশিত ‘মাদক থেকে দেশ উদ্ধারের অঙ্গীকার’ শিরোনামের নিবন্ধে অভিমত প্রকাশ করা হয়েছে, দেশের মাদক ব্যবসায়ীদের আইনের আওতায় এনে কঠোর শাস্তি দেয়া প্রয়োজন ।

#

খাদীজা/ফাহিমা/শুকলা/সাইদা/রশীদ/তানিয়া/২০১৮/৯.০০ঘন্টা